



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

Na osnovu člana 15. Zakona o principima lokalne samouprave u Federaciji Bosne i Hercegovine (Službene novine Federacije BiH" broj: 49/06 i 51/09), člana 71, člana 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i broj: 14/15, 9/20 i 23/24), člana 171. Zakona o socijalnoj zaštiti, zaštiti civilnih žrtava rata, zaštiti porodice sa djecom ("Službene novine Kantona Sarajevo" broj: 38/14 – Prečišćeni tekst, 38/16, 44/17, 28/18, 52/21, 40/22 i 13/25), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća donosi:

P R A V I L N I K
O KRITERIJIMA I RASPODJELI NOVČANIH SREDSTAVA ZA DODJELU
JEDNOKRATNE NOVČANE POMOĆI PENZIONERIMA KOJI SU KORISNICI MINIMALNE
PENZIJE

Član 1.
(Predmet pravilnika)

Ovim Pravilnikom o kriterijima i raspodjeli novčanih sredstava za dodjelu jednokratne novčane pomoći penzionerima koji su korisnici minimalne penzije (u daljem tekstu: Pravilnik) utvrđuju se kriteriji i način dodjele jednokratne novčane pomoći penzionerima koji su korisnici minimalne penzije, a čije je prebivalište na području općine Vogošća.

Član 2.
(Cilj)

Cilj dodjele jednokratne novčane pomoći u smislu ovog Pravilnika, predstavlja kontinuiranu brigu o licima treće životne dobi, a koji su korisnici minimalne penzije, kako bi zadovoljili minimum egzistencije, te otklonili posljedice socijalne isključenosti.

Član 3.
(Uslovi ostvarivanje prava na jednokratnu novčanu pomoć)

Uslovi za ostvarivanje prava su:

- 1) da podnosilac zahtjeva ima prijavljeno prebivalište na području općine Vogošća najmanje 1 (jednu) godinu neposredno prije podnošenja zahtjeva;
- 2) da je podnosilac zahtjeva korisnik minimalne penzije bez drugih redovnih mjesečnih prihoda;
- 3) da članovi zajedničkog domaćinstva ne ostvaruju druge redovne mjesečne prihode;
- 4) da podnosilac zahtjeva i članovi domaćinstva nisu ostvarili drugi vid jednokratne novčane pomoći putem Službe za boračko-invalidsku i socijalnu zaštitu.

Član 4. (Sredstva)

- 1) Sredstva za dodjelu jednokratne novčane pomoći penzionerima koji su korisnici minimalne penzije utvrđuju se u Budžetu Općine Vogošća (u daljem tekstu: Budžet Općine) za svaku kalendarsku godinu.
- 2) Raspodjela novčanih sredstava vršit će se u skladu sa raspoloživim sredstvima u Budžetu Općine za ove namjene.

Član 5. (Javni poziv i potrebna dokumentacija)

- 1) Sredstva sa budžetske pozicije predviđena za ove namjene dodjeljuju se na osnovu Javnog poziva koji se objavljuje na oglasnoj ploči i web stranici Općine i ostaje otvoren do kraja kalendarske godine ili do utroška sredstava.
- 2) Jednokratna novčana pomoć dodjeljuje se na osnovu podnesenih zahtjeva.
- 3) Zahtjevi se podnose Službi za boračko-invalidsku i socijalnu zaštitu.
- 4) Zahtjevi se rješavaju po redoslijedu podnošenja.
- 5) Dokumentacija je propisana u posebnom obrascu koji je sastavni dio Javnog poziva.

Član 6. (Visina jednokratne novčane pomoći)

- 1) Jednokratna novčana pomoć se dodjeljuje korisnicima u iznosu od 100,00 KM.
- 2) Jednokratna novčana pomoć može se dodijeliti korisniku jednom u toku kalendarske godine.

Član 7. (Postupak za ostvarivanje prava)

- 1) Postupak za dodjelu jednokratne novčane pomoći provodi nadležna služba.
- 2) Nakon što nadležna služba utvrdi da su ispunjeni propisani uslovi, Općinski načelnik putem nadležne službe donosi Rješenje.
- 3) Zahtjevi koji ne ispunjavaju propisane uslove, kao i zahtjevi podneseni nakon utroška planiranih sredstava, odbijaju se Zaključkom Općinskog načelnika putem nadležne službe.
- 4) Protiv Zaključka može se izjaviti žalbu Drugostepenoj stručnoj komisiji Općinskog vijeća u roku od 15 dana od dana prijema akta.
- 5) Podneseni zahtjev važi samo za kalendarsku godinu u kojoj je podnesen.

Član 8. (Obrasci prijave po Javnom pozivu)

Nadležna služba izradit će obrazac zahtjeva sa propisom potrebne dokumentacije, koji čini sastavni dio Javnog poziva.

Član 9. (Isplata jednokratne novčane pomoći)

Isplata se vrši na transakcijski račun podnosioca zahtjeva putem Službe za budžet i finansije.

Član 10. (Prestanak)

Stupanjem na snagu ovog Pravilnika, prestaje da važi Pravilnik o raspodjeli novčanih sredstava za dodjelu jednokratne novčane pomoći penzionerima koji su korisnici minimalne penzije, broj: 09-31-15/20 od 05.01.2020. godine

Član 11.
(Stupanje na snagu Pravilnika)

Ovaj Pravilnik stupa na snagu narednog dana od dana objave na oglasnoj ploči i web stranici Općine Vogošća.

Broj: 09-31-100/26

Datum: 28.01.2026.godine

OPĆINSKI NAČELNIK

Migdad Hasanović